

مجموعه ابو الضحی

ماسوا شایه سندن دلی قطره چالش
پرتو حکمت و عرفان ایله تنویره آالش

هر ماه عربی ابتدا سیله اون بشته نشر اولور فنون مجموعه سیدر

جزو ۴۷ [فی غره جمادی الآخر سنه ۱۳۰۲] نسخه سی ۳ فروش

ايدى ؟ چنگانه لرمى ؟ خير . اغنيامى ؟ اھتال . اعتراف جرم بوغريبه ينى
 كنديسنه بسبتون كشف ايددمامش ايدى . كنديسنك اڭ زياده تشويش
 ذهني موجب اولان شى اول مهلقانك صاحبلردن انتشار ايدن رايحه
 لطيفه ايدى . هر نه وقت (بار ييزو) پاپاسى بو حكايه ينى نقل ايتسه شووجهاله
 باغرمقدن كنديسنى آله ماز ايدى :

نه پيارسكز ! بو بر حكايه دكل . فقط بروقه در . نه باشى نه قيجى .
 اگر دهها زياده دوشونمش اولسه دم دلى اوله جغم . اوحالده يالگزر اداره
 روحانيه داخنده بولنانلرله گوروشمكى آرزو ايدرم . وهان سامعينك تحريكات
 اندیشه ناكي آره سنده : نافله آرامايگز ! سز دن اول بن چوق آردم .
 بو بروقه . ايسته هپسى بو .

چينيليرك قاموس علومى (آنسقلوپدى)

جهان مدنيتك اڭ جسيم وَاڭ زنگين موزه سى اولان لوندره نك
 (بریتش موزه ئوم) نامنده كى آنتيقه خانه سى شمدي يه قدر اله سكريلن چين
 آثارينك اڭ بيوك وَاڭ مكمل بر مجموعه سنى ادينمكه موق اولمشدر .

بو مجموعه ، مشهور ايمپراطور (قانغى) نك زماننده جمع وتاليف
 ايدلمشدر . چينيلر برخيلى عصرلردن برى بويله آنسقلوپدى صورتنده
 ترتيب اولمش اثرلره پك اهميت ويردكلردن دهها طقوزنجى عصر ميلاديه
 چينده ۲۰۰ جلددن عبارت بر قاموس علوم ترتيب ايدلمش ايدى . بونكله
 برابر اثر مذكور مؤخرأ ايمپراطور اولان (يونغ . لو) نك جمع ايتديريگى
 اثره نسبتله هيچ حكمنده در . چونكه مشار اليه ايجه امتداد ايدن زمان
 سلطنتنده وجوده گلان مؤلفاتك مذكور آنسقلوپدى ايچون ماخذ اتخاذا

ایدلمسنى امر ایتش و اثر مبحث عنہک تألیفی ۲۱۶۹ ذاتک مساعی تدقیق و عرفانه حواله اولمشدر .

مشار الیہک جمع ایتدیردیگی آنسقلوپدی ۲۲۸۷۷ کتابک اجمالی حاوی ایدی . حین تألیفنده طبع ایدلمسنى تصمیم اولمش ایسهده مؤخرأ صرف نظر ایدلمش و مسوداتی الیوم (خان . لین) مکتب عالیسنده محفوظ بولمشدر . مع مافیہ بوهمتارک طوبی ایمراطور (قاننى) نک وجوده کتیردیگی اثرله مقایسه اولنورسه ذرمنک آفتابه نسبتی قیلندن قالیر . مشار . الیه قاننى ایام اخیرہ سلطنتنده (توشوچ . چیچ شغ) عنوانی آلتنده بر آنسقلوپدی جمع ایتدیرمشدر .

بو آنسقلوپدی (چانغ . تیغ . ری) نامنده [۱] بر صاحب علمک ریاستی آلتنده اجتماع ایدن اصحاب علم و عرفان معرفتیه وجوده کتیرمشدر . مجموعه مذکوره بالذات ایمراطور (قاننى) نک تنظیم ایتدیگی اصول دائره سنده ترتیب ایدلمشدر .

هر فن و یا علم بر قاج کتابده جمع ایدیلرک بهر ایکی کتاب بر جلد تشکیل ایدریدی . ابتدا علم هیئت ایله علوم ریاضیه جمع ایدیلرک ۱۰۰ کتاب یعنی ۵۰ جلد وجوده کتیرمشدر . حین ایمراطورلغسک احوال سیاسیه و تاریخیه و طبیعیه سنه دائر اولان مباحث ۱۵۴۴ کتاب یعنی ۷۲۲ جلد تشکیل ایشدر . تربیه عمومیه حصر ایدیلاں قسم ۳۰۰ کتابه یعنی ۱۵۰ جلد به بالغ اولمشدر . و الحاصل بو مجموعه ۱۰۰۰۰ کتاب یعنی ۵۰۰۰ جلد دن عبارت بولمشدر .

اثر مذکورى طبع ایچون ۲۵۰۰۰۰ پارچه باقر صحیفه اصاغه ایدلمش و صحائف مذکوره بر چوق سنه لر « محاربه قهرمانلری » نامنده کی سالونده حفظ اولندینی حالده (کین . لونغ) نام ایمراطور زماننده بر مضایقه مالیه

صره‌سنده مسكوكاته تحویل ایدلمشدر . چین خزینه‌سی بوتحویل صورتدن يك جزؤی مستفید اولدینی حالده علم نقطه نظرندن چینلیر يك بیوك بر ضرره اوغرامشدر .

مؤخرأ اثر مذکورك بر مختصری نشر اولمش ایسه‌ده اولکینك اهمیتنی احراز ایده‌مامشدر .

ایشته بریتانیا موزده‌سی مذکور اثر مفصلك مکمل برطاقنی اله یکیرمشدرکه اوروپانك هیچ بر موزه‌سنده بوخزینه علومك مکملی گورولمامشدر . پارسك کتابخانه ملیسنده مجموعه مذکوره‌نك طوبی اوج درت جزؤی موجوددر .

بو مجموعه‌نك ۵۰۰۰ جلددن عبارت بولندیغنی سولش ایدك . فقط چینلیرك كتاب یارقارینك یالکزر بر یوزینی طبع ایدرك دیگر یوزینی بوش بر اقمده اولدقلری ملاحظه اولنور ایسه اثر مذکور بزم آگلایه جعفر وجهله ۲۵۰۰۰۰ صحیفه‌ی شامل ۵۰۰۰ کتابدن و تعبیر آخرله ۲۵۰۰ جلددن عبارت بولندیغنی تعین ایدر .

۲۵۰۰ جلددن عبارت بر کلیات وجوده گتیرمك ایسه انسانی حیرته بر اقه‌جق موفقیات علمیه‌دندر .

فرانسزلرك بعض اقوال لطيفه‌سی

« بورجنی اوده‌ین زنگین اولور »

بو مثل فرانسه مشاهیر اصحاب قلمدن (مارتن ویل) ك یاننده نه وقت یاد ایديله‌جك اولسه مشارالیه « صاقین اعتماد ایتیمكز! بوسوز داینلرك مخصوصاً اشاعه ایتدكاری بر ارجوفه‌در » قوليله استظراف ایلر ایش .